

ایکچی سنه

نسخه

نومرو : ۱۲

۳

خزینہ اوراق

تاریخ تائسی

۱ مایس سنه ۱۲۹۷



تاریخ طبع
ونشر
۱۲۹۷

مؤسی

محمود جلال الدین

۷ ۷ ۷ ۷ ۷

بو رساله ادبیه جمعہ ایرتسی کونلری چیقار

اولونیه خاندان زاده لرندن عزتلو ثریا بک افندینک
اطفاً کوندردیکی آثاردندر که تیمورلنک کی بر شهیرک
شمدی به قدر یازلیسان ترجمه حالی متضمندر . قدرت
قلیه اصحابندن اولان نورسیده مشار الیه دها بهض
مشاهیرک حالربنی ترجمه وتحریر ایتکله یقنده نشری
مقرردر .

تیمورلنک - مابعد

مرکز سلطنته کلور کلز کورجستانده شدتلی بر
عصیانک ظهورندن خبر المغله درحال (جیحوندن) مرور
ایله (نیشابور) یولندن بطام قریه سنه بعدہ ری شهرینه
اندن همدان حوالیسنه واردی واوراده طو پلانمش اولان
عسکری برابرجه آلهرق کورجیلرک غلو واغتلانی تسکین

ایٹک اوزره ارس نهرندن کچوب قره باغه کیتدی کور -
 جیلرک حرکات سرکشانه لرینی بر چوق نفوسک قتل و بر
 طاقم قلاعک هدم و تسخیریه بر طرف ایتدکدن صکره
 قوطوره ایتدی . اوراده موسم شتایی کچوردیکی کبی
 سلطان مصرک اولجه کوستردیکی اثر تحقیر و تهدیده مقابله
 ممالک مصریه نک ضبطنه عزم ایتدی . و بناء علیه موصل
 و سنجار بولیه نهر حابوری کچهرک اورفه و عینتابدن حلبه
 واردی .

تاتارلر حلبه تسلط ایتدکری زمان او درجه ظلم و شدت
 کوستردیلرکه هتک ناموس و قتل نفوس کبی سیئات
 مألوفه لرندن بشقه ایکی بیک ادمی دیری دیری لحدزده
 کومدیلر .

تیمور اورادن هدف حرکت تعیین ایتدیکی بریته
 الشامه کچدی . سلطان مصرک تدارک ایتدیکی بر بیوک
 اوردوی دمشقه یقین بر یرده بوزدقدن صکره تیمور شامی
 استیلا ایدهرک تاتارلرینه فضایحه باشلامش اولملریله ابن
 خندوق تیمورک یانته وارمش و انک رجای مرحمت جویانه
 سیله شام کلیاً خراب اولمقدن قورتارلمشدر .

تیمور شو صورته بریته الشامی و ممالک مصریه نک
 الک چوغنی استیلا و منابر مصریه ده نامیه خطبه لرک

قرائنی اجبار ایله سلطاننده بر چوق تضمینات حریبه
اخذواستیفایند کدن صکره حص و جادن کچه رک
حلبه واندن فراقی مرور ایله مادونیدن کوردستان
اوزرندن بغداده واردی .

بغدادده بولنان سلطان احمدک اوغلی کندوسنه
ابراز مقاومت ایتک ایسته مشایسه ده خاندانه اولان اغرا-
ضنی ارتیرمقدن وخلق قیروب بتورمکدن بشقه بر فائده
کورمدی .

تیموریلرک بغدادده ایتدکلی تخریبات وفضایح هیچ
بر یرده کی اثار مشومه لرینه قیاس اولنه میه جق قدر چوقدر .
حتی تیمورک معیتنده بولنان قرق بش بیک نفرک هر بری
ایکیشر رأس مقطوع کتورمسنی امر ایتدیکنندن
برساعت ظرفنده طقسان بیک آدم کیلوب قفالری
کندی اوکنه ییغلدیغی مرویدر .

بغداد و اوحوالی آبادی خراب ایتدکدن
صکره ممالک رومه پای انداز شامت اولق ترتیباتنده
بولنقله برابر سلطان بایزید ایله ده مخاره یه کیریشدی .
ومشار الیه دخالت ایدن سلطان احمد ایله قره یوسفی
ارادی . سلطان بایزید ذاتاً تیمورک مظالم جهانسوزانه
واوضاع متحکمانه سندن دلگیر اولدیغی ایچون تیموره شد-

تلی بر جواب کوندره رک محاربه یه مهیا اولدی اوایسه ممالک
عثمانیه بی تالان واو همای سعادتی اشیانه دولتیله برابر
بی نشان ایتک ایستدیکندن سلطان بایزیدک بو حرکت
متهالکانه سنه بناء ارارات طاغلرندن وان وموش وتبلیس
طریقيله سیواسه واردی. سیواس واطرافنده کی شهر
عثمانیه بی استیلا ایتمکله برابر یته سلطان بایزیده مماشات
کوستردی. تیورک بو تواضعی ایسه صورتا سلطان بایزیدک
مجاهده دیانت شعارلرینه ابراز حرمت ایتمکله منعطف
ایدیسه ده معنا بیم هزیمت ومحو دوات کبی بر چوق
افکاره ده منحصر اولسه کرکدر .

مع مافیه حکیم قدر کندوسنک حرکاته یاور واویار
شاه دیانت پناه مغلوب کروفر اولمشدر .

انقره قربنده واقع چبیق اباد نام چای کنارنده کی
صحرا ده جریان ایدن بو فاجعه هولنا کدن صکره تاتارلر
ممالک عثمانیه نک هر طرفته روان وانلرک فضایح واقعه لر یله
نتیجه معموره ویران اولدیلر .

جامعه لرده حیوان باغلامق ومدارس علمیه بی تخریب
وعلمای اسلامیه بی تعذیب ایتک کبی بو صروده تاتارلرک
کوستردکلری حالات سیات سائرلرینه نسبتله حسناتندن
عد اولنه جق قدر عادی صایله بیلور .

تیمور شهزاده کان عثمانیه نك هر برینه بردلو اثرتمایل
کوسترمش و بنا برین ارالزنده معلوم اولان ادعاری تولید
ایتمش اولدیغی کبی برابر بولنوب سلجوقیه انقاضندن قالد
امرای یزلرینه اقعاد ایتدی .

واک طوغروسی بر طرفدن شهزاده لره اچدیردیغی
میدان خصومت ودیگر جهندن تشکیل وتجدید ایتدیکی
یدی سکن امارتله ممالک عثمانیه یی عادتاً ایراندن فنا برحالد
تقسیم ایتک ایستدی .

تاریخده مرویدر که سلطان بایزید تیمورک بو حرکات
وسیا تندن پک مضطرب اولدیغی برکونده نزدینه کتمش
واسلامیتک کسر قوتی وتفریق جمعیتی یولنده کی معا-
ملاتنه بناء بر چوق سرزنش ایتش اولدیغندن بالاخره
تیمورلنک ممالک عثمانیه ویا حوالی اسلامیه ایصال کزنده
خسار ایتامک طرفنه اماله ایتمکله ازمیری ردوسی قولیرلر-
ندن المق ویرانس ایمه اطور اغنی ده جزیه دار ایتک کبی بر
طاقم مجاهداتده بولندی .

ازمیری استیلا ایله اولو بوری واکر دین طرفلرینی
نهب و غارت ایتدیردکن وردوسی وساقز جزیره لرینک
تشیخیر یچون ده بحرأ برفرقه کوندردکن صکره سکن
یوز بش سنه سنده ازمیر نواحیسنندن رحلت وقره حایه

طوتلش اولان اوغلی سلطان محمدی کومک اوزره قره
حصاره مواصلت ایتدی. فقط اوغلنک وفاقی واکلاشیلان
حال شیخوختی کوکلنه اورالق برطاقم حسیات رحیمانه یی
تولید ایدهرک حرکات ماضیه سندن بر اثر پشیمانی کوسترمکه
باشلادی .

اکا دلیل اولق ایچونده جنکیز زماندنبرو اماسیه
وقیصریه طرفلرینه یاییلوب مألوف شر و مفسدت اولان
قرق الی بیک قره تاتاری برارجه الهرق سیواس وارضر ورم
طریقله کورجستانه کچدی .

کورجستانده کی بو عزیمتی وقوع بولان عصبانی
باصدیرمق واوراده برنمایش کوسترمک مقصدندن عبارت
اولغله کسمه قیادن بر جبلک ذروه سنده کی برقلعه یی تضییق
واستیلا و برچوق اموال و نقودی اخذ واستیفا ایدهرک
صاوشمش و کر نهرندن مرور ایله قره باغه اینشدر .

اورادن بغدادی تعمیر ایتک اوزره امیرزاده ابا بکری
مأمور ایتدیکی کبی کندوس سیده اولجه تخریب ایتدیکی
سعدانی اعمار ایچون اورایه واردی . و بر یحقی ای زمان ظرفنده
یکیدن شهری تنظیم ایله ارمنستان طاغلرندن نبعان ایدن
ارس نهرینک بر قسمتی شهره اقتدی اوچیموز سنه سی
اواخرنده نهر امودن ودکش ولایتندن مرور ایله
سمرقنده کلدی .

بش التي اى سمرقنده ارامى اثناسنده شهرادهرك
 دلجهسى ايجون بر جمعيتك ترتيبنه باشلامش وعظمت
 جهانكيرانه سنى خلقه كوسترمك مقصديله دنياده مثلى
 كورليان دارات واحتشام اختيار ايتشدر .

متعاقباً ممالكك بر قسمى انلره تقسيم ايدهرك خطئه
 جينه عزم وجهادبنى اعلان ايتشدر .

تيمورك شو عزمى ميدان اسلاميهده ايتديكى مظالمى
 باصديرمق وعالم اسلاميهده بر خدمت ايتك نيته محمول
 ايسهدهاك طوغروسي بوافت جهان جيندن بشقه اسيايه
 استيلا ايدهجك بر ير قالمديغنى كورمش وحالبو كه كندوسى
 جنك وجداله مألوف اولمش بر خونخوار اولغله تسكين
 هوس وتوسيع ممالك ايتك فكرينه معطوف اولسه
 كر كدر .

تيمور حركتى سكر يوز يدى سنه سنده وقيشك اك
 شدتلى بروقتنده اختيار ايدهرك معينده درتيوز بيك سوارى
 وار ايدى . جيخونى بورلر اوستندن باصهرق كچمش وهر
 طرف قارلرله محاط بولنمشدى . كويا كه او كابوس مصيبتك
 يقينده محو اوله جفغندن جهان بياضلره بورنمشته كندوسنه
 شوق وشطارتنى اعلان ايتشيدى .

ازار نام شهره واردىغى كپى بر حاي محرقهيه اوغرا .

مش و پنجه اجل کر بیاننه صارلمشیدی. او وقت یاننده کی
اولاد و خویشانی جلب ایله اتحادده بولنملر یچون برچوق
سورز سویلد کدنصرکه مولانی هیبته اللهی یاننده ایستیه رک
ایمان یأس قیلنندن اولق اوزره تلاوت قرآنه و ذکر
سبحانه باشلادی.

و نهایت سنه مذکوره نك شعبانی اون دردنده بالین اه
وزاره نهاده سرفلا کتدار و یتش بر یاشنده ایکن ترك دار
ودیار ایتدی.

کندوسنک بر مزاری ازارده یاپاش ایسه ده وجودی
تبخیر اولوب سمرقنده کتورادی. دهها سریر ساطتنه
صعود ایتمدن ادعای نسبت و صکرده ده عرض حرمت
ایتدیکی کبی سید برکنک مدفون اولدیغی تر به یکیدن
برچوق زروسیم حرفیله تزین و تنظیم اولنه رق و صیتی
موجبجه برابرجه دفن اولندی.

ایشته دنیا نك اوچ بیوک قطعه سنی زیر و زبر و پنجه
حکمداری مغلوب کر وفر ایدن بودیو خونخوارك تنع ظایله
بر قاج ملیون انسان قربان اولوب کتدی.

انی هیچ بر ملت و امت کندیسنه نسبت ایتمک
ایسته مز سده اصلا تاتار و دین اسلامه منسوب بر غدار
ایدی فقط جنکیز خانك بر اقدیغی بر هندیانامه بی شرایع

محمدی اوزرینه ترجیح ایتدیکنه باقیلورسه کندوسنک
الحادینه وعقیده سنک فسادینه حکم اولنق لازم کلور
شرفایه حرمتی وجامع یایمق کبی آثار دیانتی وارسه ده
انلر خلقک تمایلاتنی مظهریتی ایچون اختیار ایتدیکبی
دسیسه لردن معدود اولسه ده جائزدر . ننه کیم برحق
رجال امتی اوته برودن سوروبده سمرقنده خدمت دکل
بونیتنه الت ایتمک استمسندندر .

تیمور صورت مطلقه ده عالی استیلا ایتمک و ملک
الملوک اولق ایستردی . حتی دیر ایدیکه

قناعت ندارم بتوران واسی
بود ملک روی زمین هوس
جهارا پسندست یک شهر یار
زنی را دوشوهر نباشد بکار

بو مقصدینه وصول ایچون کفران نعمت وعرض
اهاتدن چکنمدیکبی کبی قتال وجدال وغصب اموالی یک
مباح عد ایدردی . محافظه استغلال وحایه اولاد وعیال
مقصدینه سلاح مقاومه صار یلانلری بلا امان معاملات
غدارانه نلک اشدیدینه دوچار ایلردی . زنجیر اسارتنه
کردانداده اولان بیچاره کانی افنا ومتلا استیمان ایله النان

برشهری ویرانه نما ایتک شاهنامه جلا دتنه رونق فرا
اولدیغنی اعتقاد ایلردی .

(مابعدی وار)



دولتلو منیف پاشا حضرتلرینک وطن غزلنه
مناستر دقترداری سعادتلو امین افندی حضرتلرینک
انشاد بیوردقلری نظیره در

—

عین طوبی کورینور عینمه اشجار وطن
روضه جنت ایش آدمه چون دار وطن
وطن اهلی نه بیلور نکته حب الوطن
دل غیرتزه در عارف اسرار وطن
صبح ایدر شام غریباتی خیالنده دخی
افق دلدۀ طوغان مهر ضیادار وطن
غالباً روح بدن ریج وطندن مشتق
حالت نزعۀ سورر دلدۀ کی افکار وطن
کنج غربتده دمام ایدهور شیخ و شباب
دانه اشکنی هب سیحۀ اذکار وطن